

## Tutu ña uní ña ni ke'i San Juan kua'an nda'a' ne iní xini Jesús

### *Ti'vi' ra cha'an' nia*

<sup>1</sup> Yu'u, te nduu' iin te xixa va ndii, ti'vi' i cha'an' yo'ó, Gayo kua'a, te ndani i yo'ó saa ka'án ña ndixa ña kandixa' e'. <sup>2</sup> Ñani kua'a, ka'án va i xiin' Ndiosí xa'a' un' te kiee va'a un' xiin' sakuu' ña xaa' un', te koo va'a tu un' saa nii' yoo va'a nimá un' nuu' Ndiosí. <sup>3</sup> Va'a va ni kuni i kii' ni kixin savá ñani e', te ni ndiee yu'u' ra nuu' i ña iní va un' xini un' ña ndixa, te xika' ndaku tu un' xiin' ña jaan'. <sup>4</sup> Köo' ka ndee iin ña'a ña xaa' sakan' te va'a ka kuni yu'u, te sakan' ña xini so'ó i ña xika' ne kua'a si'e i xiin' ña ndixa jaan'.

<sup>5</sup> Ñani kua'a, xachuun' ndaku va un' nuu' chuun Ndiosí ña chindiee' un' ne ndikún ichi' Jesús xiin' e'. Tee' ndee ne xini ta'an' xiin' un' nduu' savá ne jaan' ndii, chindiee' ña'a' un'. <sup>6</sup> Te ne jaan' ndii, ndiee' yu'u' nia xa'a' un' nuu' ne nakayá yo'ó' xa'a' Jesús ña kundani va ña'a' un'. Chindiee' naa chindiee' un' ne jaan' saa kuní Ndiosí xiin' ña kuní nuu' nia kii' kua'an nia ichi'. <sup>7</sup> Kuachi ndii, xa'a' a ña ndani nia Jesús na ni kiee nia xika' nia sakan'. Te köo' a ni'l' nia nda'a' ne iní xini Jesús. <sup>8</sup> Sakan' na kuii' yoo' ndii, kuní a chindiee' e' ne jaan', te sachuun' inga' e' xiin' nia xa'a' ña ndixa jaan'.

<sup>9</sup> Xa ni ke'i i iin tutu nuu' ne nakayá xa'a' Jesús ñuu ñaa'. Ndisu te nduu' Diótrefe ndii, nätiin' ra ña ka'án ndu jaan', sakan' ña xtani ra ña nduu' ra te kuu' nuu' nuu' nia. <sup>10</sup> Sakan' na kuii' kii' xaa' i ñaa' ndii, ka'an i xiin' ra nuu' ndo' xa'a' ña kuu' ra jaan', xiin' xa'a' ña kania'a ra xa'a' ndu. Te süu' ña jaan' kuiti' xaa' ra, süu' jaan' ndii nätiin'

tū rā ñāni ta'an' e', ne xaá ñuu ñaa'. Te ni ndee tāxi' tū rā natiin inga ne inī xini Jesús, ne ndiee' ñaa', ne jaan', te ni ndee tāxi' tū rā nakaya ka ne natiin' ña'a' jaan' xiin' inga ne nakayá xa'a' Jesús ñaa'.

*Ka'án va'a Juan xa'a' iin te nani' Demetrio*

<sup>11</sup> Ñāni kua'a, sãa un' ña nia'a ña xaa' ne yivi'. Süu' jaan' ndii ña va'a kuiti' sãa un'. Kuachi ndii yoo ka xaa' ña va'a ndii, kuenta Ndiosí nduu' nia. Ndisu ne xaa' ña nia'a ndii, xini nia Ndiosí. <sup>12</sup> Sakuu' ne nakayá xa'a' Jesús ka'án va'a xa'a' Demetrio. Te ndee mii' ña ndixa, ña kandixa' e' ndii, nakuitá xiin' sãa xika' rā. Te sakan' tū ndu'u ndii, ka'án va'a ndu xa'a' rā. Te xini un' ña ña ndaku nduu' ña ndiee' yu'u' ndu.

*Ndeji' Juan inga ne inī xini Jesús*

<sup>13</sup> Yoo kua'a' ka ña kuni ka'an i xiin' un', ndisu ndee chaa' ka kē'i i e nuu' tutu, <sup>14</sup> sakan' ña ndiatu' inī i ku'un i mii' ndu'u' un' iin tun ki'i' te ndatu'un' xiin' ta'an' e'. <sup>15</sup> Na taxī na Ndiosí ña manī' koo xiin' un'. Ne xini ta'an' xiin' e', ne ndiee' yo'o' ndii, ti'vi' nia cha'an' un'. Kua'an Ndiosí koo i'in ne xini ta'an' xiin' e', ne ndiee' ñaa'.

El Nuevo Testamento en el Mixteco de Ayutla  
Mixtec, Ayutla: El Nuevo Testamento en el Mixteco de Ayutla New  
Testament

copyright © 2016 Wycliffe Bible Translators, Inc.

Language: Ayutla Mixtec

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 14 Jun 2022 from source files dated 13 Jun  
2022

7e4f3497-fb83-5234-ac91-e00e1d534904